


Yesux Mai Zakkhie



Lukax 19:1-10

Illustrations by Sweet Publishing <http://sweetpublishing.com/>

This work is licensed under the Creative Commons Attribution-ShareAlike 3.0 Unported License. To view a copy of this license, visit <http://creativecommons.org/licenses/by-sa/3.0/> or send a letter to Creative Commons, 444 Castro Street, Suite 900, Mountain View, California, 94041, USA.

Scripture passages are from the New English Translation

The introduction and study questions were developed by Michelle Miller and Pang Snta' to be used with an audience of elementary-age children or with new believers who have limited background knowledge of the Scriptures. The goal of the questions is to help people engage with the Bible stories through a discussion format. The questions in this guide may be freely adapted as deemed appropriate for a particular audience.

Translated to the Wa language by:

Yex Ka Lin

Ai Sang Awng

Edition : First edition

Date : September, 2015

Wa Scripture passages are from The Holy Bible in Wa (2012)

Puag Pua Pa Koe Plak Khaix

Krax Pa Nih Nai Krai Lao Tau

Sax sipub maix grawng tix ceu ceu pa lih tix koe sinax pui hun, pa ang maix chix yaox lie? Yam an maix ot dee mawx? Son sang jhak maix grawng an maix co ca ti yuh pa tix?


Kadaux been in ex tag yaox ti mhong “grawng pui pa koh mau/ gha tix kaux. “pa koh mau” ah ex mawh pa tix? Dah dee ot Yesux mawh meung Isarilax. Meung Isarilax mawh pa ot greem siawp sibrawm pa kuang Romax, pa ting riang rao khaing paox tix piang haktiex baux bawg yam an. Cao kaing Romax kieh pui Isarilax tawx gha kah Romax, Pui koh mau mawh pui yuh kaing son Romax son sang koh mau khaing pui Isarilax. Pui koh mau koh mau lheu khaing pa nhie Romax koh son sang deug son cao tix heue. Mawh kheu nan pui hun khan kix koeng ka kix heue.




¹ Yesux kawx laig hu mai breeng daux veng Yerikho. ² Yam an koe cao kaing pui koh mau pa kaux Zakkhie nawh mawh cao mi heue.




³ Nawh sawg ti sang yaox Yesux mawh pui pa yuh ka mawx, kheu hun pui nawh ang pon ti yaox, kheu nawh mawh pui kalux, iak heue. ⁴ Nawh to sivoie mai haok piang khaox lieah tix khaox, son sang pon yaox Yesux, kheu sang lawng Nawh krax an heue.




5 Yam hoek Yesux ka dee an, Nawh yaog ti simi mai ah nin ka nawh, “Zakkhie eue, nied ti lih laung laung, Aux tag paung daux nyiex maix singaix heue.”



⁶ Nawh nied ti lih mai koe krax gaux rhawm, rieb ti teei Nawh Cao heue. ⁷ Yam yaox pui, kix khawmuik salao ah nin, “Nawh hoik laig ti paung mai pui pa ting map heue.”



⁸ Zakkhie cung ah nin ka Simiang, “Simiang eue, sinngao pa koe aux tix plak aux tawx ka pui hot sia khankix, phan aux hoik teei pa ang khaw ti teei ka pui mawx ang ah, aux tag deeh pheuex phuan son heue.”



⁹ Yesux ah nin ka nawh, “Krax taoh hoik hoek ka daux nyiex in singaix, kheu hoik mawh kaw in kawn simex Abraham heue. ¹⁰ Mawh kheu Kawn kawn pui hoek sonsang sawg ti taoh ka pui pa hoik grai khankix heue.”

k.Deeh Thawk Theng

1. Zakkhie yuh kaing ceu pa tix? Phuk lai Sigang Khri krai yuh ka mawx ka grawng nawh?
2. Mawh kheu jao pa tix Zakkhie ang chix yaox Yesux yam preeng Yesux ka veng Yerikho?
3. Son sang yaox ka Yesux, Zakkhie yuh pa tix?
4. Yesux ah pa tix ka Zakkhie yam yaox Nawh Zakhie ot piang khaox?
5. Yam yaox pui hun Yesux ot nyiex Zakkhie, kix ah pa tix?
6. Yam paung Yesux nyiex Zakkhie, Zakkhie tawx lox sijax mukheu pa tix ka Nawh?
7. Yesux ah pa tix ka Zakkhie?
8. Yesux hoek ti taoh pui pa yuh ka mawx?

kh. Krax Doh Rhawm Ka Been

1. Mawh kheu jao pa tix Zakkie simie tix yaox Yesux? Maix keud yuh ka mawx?
2. Mawh kheu jao pa tix Yesux simie ti hu nyiex Zakkhie? Maix keud yuh ka mawx?
3. Mawh kheu jao pa tix tieh loh rhawm rhi tix? Maix keud yuh ka mawx?
4. “Pui grai” pa sawg Yesux mawh pui mawx?

G. Krax Pa Deeh Shiao Daux Ju Tix

1. Mawh kheu jao pa tix maix tawx dah dee son Yesux daux rhawm tix?
2. Kadaux ju maix koe krax sivit tix ceu ceu (a) grawh grawng tix ceu ceu pa kieh maix ang chix yaox ka Yesux lie?
3. Ex sang chix mhong lox gau Yesux ka ex yuh ka mawx kadaux baux ju in lie?
4. Ex sang chix jhi krax moh Yesux ka pui tang kaux yuh ka mawx?

Ng. Ceu Pa Rieb Gau Ex Khaing Been In

1. Siyiex moh pui ku kaux mai koe rhawm tix pluat ploi phi map ex.
2. Yesux ang doh veeh tix khaing pui pa simie ti tawng ka Nawh mai pa lo krax moh Nawh mai krax pluat ploi Nawh.
3. Krax moh Yesux chix tieh loh ka rhawm rhi ex, krax im ju ex mai krax pa yuh paox pie?
4. Maix kawn pon rieb gau ceu pa tix? Kawn koe lox chawx tix ceu ceu lie?

Baux Lai Pa Caw Ti Ci

Lukax 19:10 Mawh kheu Kawn kawn pui hoek sonsang sawg ti taoh ka pui pa hoik grai khankix heue.”